



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LVIII. Ein Widerkauffssbrife Engliken, Hanses vnd Ekharts, gebrudere, von Warborg, Dorinne sie Tydeken von Thudensswegen vorkauffen 5 Mark vinkenogen Jerlichs vfhebens Im Dorff Werben, vff etzlich ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

twintlich mark vinkenogenn penninge, de se vns alrede woll hebbenn bethalett Vnnd wie vnfen schaden mede hebbenn geweredt. Vnde desse vorbenumbde penninge dy hebbe wie ock vorlathenn dem Abbete, Also datt wy vp dessenn twenn vorbenumdenn höuenn nichtens nicht beholdenn edder Inn all deme dorpe tho Werbende, noch dinft, noch pacht, noch richte, noch kerkenleenn. Ouer dessenn kope vnnd vorlatinghe hefft gewest: Her Henrick Paschedach, ein Ridder, Her Bartolt, perner tho Waskendorp, Englike Warborch, wonhafflich tho Ballin, Henrick Warburch, de do wonett thome Dolghin, vnde völle mer bederuer lude, de da lowenwerdich sin. Tho grotter tuchenisse desser Ding so hebbe ick Albrecht vnnd Henrick vorbenumbdt mit wilenn vnnd mitt witschop vnse Ingefegelle lathenn hengenn an dessenn brieff, de geuenn vnnd schreuen Ifs na Godefs borth virteinhundertt Jarr, Inn deme achtenn Jare, Inn deme dage Fabiani vnnd Sebastiani, der hilgenn mertelere.

Dise Copei ist Collationiret vnnd vorgeleicht sich mit Irem Rechten Pergamenen Original allenthalben, Dass bezeuge Ich obgesatzter Notari Erasmus Seydell mit diser meiner eigen Handschrift.

LVII. Ein Consens Hennings vnd seiner brudere, auch Albrechts Warborgs, vber den kauff, Welchen Her Otto vnd Heinrich von Warborgk, gebruder, wegen Ires guts vnd hofes Im Dorff Werbende mit dem Closter vffgericht.

ICK Henningk Warburch, lange Henrikes Warburges sone, bekenne Inn desfeme breue mitt minenn Bruderenn, datt wi vulbordenn denn koep, de dar gescheenn Ifs mitt deme geistlikenn herrn, deme Apte des Closters thu der Hemmelportenn vnnd mitt Hernn Ottenn, vnnd Henrike, sine brudere, de nu wonafflich Ifs thome Dolghin, geheittenn Warburch, vmme ohre gutt, datt se haddenn Inn deme dorpe thu Werbende, vnnd hebbe desf thu tuge min Ingefegell lathenn hengenn an dessenn brieff. Vnnd ick Albrecht Warburch, Otto Warburghes sone, vulborde gentzlikenn denfuluenn koep vnnd hebbe desf thu tuge mein Ingefegell lathenn hengenn an dessen brieff, de geueuenn vnnd geschreuen Ifs na Godefs borth vierteinhundertt Jar vnnd Im deme neghendenn Jhare.

Dise Copej ist Collationiret vnd vergleicht sich mit Irem Rechten Original allenthalben, dass bezeuge Ich obgenanter Notarius mit diser meiner eigenen handschrift.

LVIII. Ein Widerkauffsbrieffe Engliken, Hanses vnd Ekharts, gebrudere, von Warborg, Dorinne sie Tydeken von Thudenswegen vorkauffen 5 Mark vinkenogen Jerlichs vffhebens Im Dorff Werben, vff etzlich Hufen vnd Hüfen Hirinne benant sur 5 Mark vinkenogen.

Wy Engelke, Hanss vnnde Egghardt, broder, hetenn Warburch, Bekennenn openbar vnd betugenn Inn desfeme breue vor allenn Christenn Ludenn, de ene seenn edder horenn lesenn, datt wie tho likenn warenn houetludenn mitt vnfen eruenn hebbenn vorkofft redelkes vnnd rechtes kopes mitt macht desfes breues deme bescheidenn manne Tidekenn vann Tudenfweghenn, wonhafflich tho Nienn Brandenborch, vnnd sinenn rechtenn eruenn viff mark Jarlikes

Ingheldefe na were guder vinkenogenn penninge munte. Desse vorbenumbdenn vieff mark Jarlikes Ingeldefe schall Tideke vorbenumbt vnnnd sine eruenn vredelikenn vpbörenn nu tho Sunte Mertens dage, defe hiligenn Bischoppes, nu negeft tho komende vnnnd vortmer alle Jar tho Sunte Mertens dage Inn deme dorpe tho Werbende vann defenn nabefchreuenn Luden vnnnd vann ehrenn houenn vnnnd huuen vnnnd wördenn, Alfe vonn Harneit Dobelowenn dre mark, vann Hanfs Warnefhagenn eine mark, vann Ditmer kinen Achte schillinge ahne dre vinkenogenn penninge vnnnd eine Wört, de he hebbenn schall, de tho vorhurende, weme he will Jo defe Jarefe vor Achte schillinge vnnnd dre penninge edder wo dure he de vorhurenn kann, defe schall he hebbenn vullenkomenn macht vnnnd Ifs de wortt, de dar licht bie Hermen grubenn houe. Vor ditt Ingelt vnnnd gutt hefft Tideke vorbenumbt vnfs gegeuenn vnnnd nughafftigenn tho dancke woll betalett vefflich mark guder vinkenogenn penninge, de ann vnfe vnnnd ann vnfer eruenn nuth vnnnd behoff ghekomen findt vnnnd fhöleinn vnnnd willenn em defe eine were wefenn vor vnfern Broder Achim vnnnd vortmer vor alle de Jenen, de vor recht komenn willenn vnnnd de recht gheuenn vnnnd nehmen willenn, vnnnd hebbenn em datt vorlatenn vor vnfe leen herrenn, deme Abbete vann der Hemmelporte, vnnnd de hefft em gehgheuenn Hermenn pafhedach tho einenn Inwifer, vnnnd de hefft enn Innewiefett vor richter vnnnd vor bur. Vnnnd di vorbenömbt Ingeldt vnnnd gutt schall Tideke vorbenumbt vnnnd sine eruenn hebbenn mit aller vriheitt, mitt aller thobehoringe vnnnd rechticheit, alfe vnfe vader vnfs datt gheeruett hefft vnnnd wie datt na vrigelt befetenn vnnnd gehadt hebbenn, mitt richte ouerst vnnnd fideft, mitt Denfte vnnnd nienerleie rechticheitt hirbutenn tho befcheidende. Vorthmer hebbe wy Warborche vorbenumbt mit gunft vann Tidekenn vorbenumbt beholdenn: Werett, datt wie ditt Ingeldt vnnnd gutt wedder kopenn kundenn, defe wedderkopes schall he edder sine eruenn vnfs vnde vnfern eruenn gunnen, Vnnnd wen vnfs defe luftet, fo fchole wie em denn wedderkop kundeghen In winachten dage vnnnd geuenn em denne darna defe negeftenn mandages na deme erftenn Sondage na pafchenn tho dancke wedder vefflich mark an eine Summe vnnnd to einer tidt an gudenn redenn penningen, de denne genge vnnnd geue findt tho nien Brandenborch vnnnd der enn bedderue mann deme andern vul mede dett. Werett ock, datt Dedicke vorbenumbt edder sine eruenn ditt vofchreuenn Ingeldt vnnnd gutt nicht en gadede vnnnd fe datt vorttan vofsetten edder vorkopenn woldenn, defe fhöleinn fe vann vnfs hebbenn vullenkamene macht, vnnnd weme fe datt fettenn edder vorkopenn, deme schall defe brief Inn aller wiefs also hulpelik wefenn, alfe em fuluenn. Ouer defenn kope findt gewefenn to tuge defe erwerdigenn lude nabefchreuenn, alfe Hermen van Orthze, Albrecht vnnnd Hinrick, broder, hetten Warborge, vnnnd mer bedderuer Lude, de lowen vnnnd eren werdich findt. Vnnnd to mehfer betuchnisse vnnnd tho hoger bekandnisse alle deffer vofchreuenn Ding, So hebbe wie Engelke, Hans vnnnd Eggerdt, broder vorbenumbt, vnfe Infegele mitt gantzer witschop vnnnd mitt willenn lathenn hengenn vor deffen brief, de geuenn vnnnd fchreuenn Ifs na Godefe borth vierteinhundert Jare, darna Inn deme drutteindenn Jare, defe negeften vridagefe na funte Andreas dage, defe hilgenn Apoftels.

Dass dise Copej mit Irem Rechten Pergamenen Original Collationiret, auscultiret vnd demselben allenthalben gleichlautendt sei, Dass bekenne vnd betzeuge Ich Vilgedachter Notari mit diser meiner eigen handschrift.